

# **Inissiani attartortittakkani ineqarnermut tapiissutit pillugit inatsisartut peqqussutaata allanngortinneqarnera pillugu Inatsisartut peqquussutaat (Ineqarnermut tapiissutit iluarsiivigineqartarneranni piffissaliussap allanngortinneqarnera kiisalu ineqarnermut tapiissutininik qinnuteqaqqinnissamik piumasaqaatip allanngortinneqarnera)**

## **§ 1**

Inissiani attartortittakkani ineqarnermut tapiissutit pillugit Inatsisartut peqqussutaanni nr. 3-mi, 31. maj 2001-imeersumi imatut allannguisoqarpoq:

**1. § 9,** imatut oqaasertalerneqarpoq:

**"§ 9.** Inissiani attartortittakkani ineqarnermut tapiissutit ukiup naatsorsuuteqarfiusup naanerani aamma ineqarnermut akiliutit allanngortinneqarneranni iluarsiivigineqartassapput. Inissiaq attartortittagaq najugaqatigiiffimmut ilaappat ineqarnermut tapiissutit ukiuata najugaqatigiiffiit ataasiakkaat ukioq naatsorsuuteqarfia malissavaa. Inissiaq attartortittagaq najugaqatigiiffimmut ilaangippat ineqarnermut tapiissutit ukiuata qaammatisiutit ukiuat malissavaa.

*Imm. 2.* Ineqarnermut tapiissutisartut ineqarnermut akiliutip allannguutaanik kiisalu inuttut aamma aningaasaqarnikkut pissutsit allannguutaannik ineqarnermut tapiissutininik annertussusiliinissamut pingaaruteqartunik kommunimut nalunaaruteqarnissaminnik pisussaaffeqarput.

*Imm. 3.* Imm. 2-imi taaneqartut paasissutissat ineqarnermut tapiissutisartup tunniussimanngippagit kommuni missiliuilluni paasissutissanik pisariaqartunik aalajangersaasinnaavoq."

## **§ 2**

Inatsisartut peqqussutaat 1. januar 2005 atuutilerpoq.

Hans Enoksen

/

Asii Chemnitz Narup

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut